

Budapest, 28.X.28.

*in articulo*

R. 90 —

Honorato coidealista,

Accipe meo gratias pro abundante missione.

Cum isto epistola me mitte articulo breve, non bono pro meo occupatione, pro inopia de tempore. Si Vos desidera, me pote traduce articulo meo jam parato super propagationes. Nunc me prepara solum opera super interlinguistica quam scientia. Nam operes super L.I. semper es aut historia solum chronologico et non pragmatico, aut considerationes system-partiale, aut labores particulari, quam vocabularios. Sed scientia autonom interlinguistica etiam nunc non existe, etsi nomine. Me fac proba de illo.

Me etiam debe expone meo statu in motu interlinguale. Me non es adherento de systema singulo, sed me es interlinguista quam adherento de interlinguisma. Nunquam me ute "interlingua" pro Latino s.f., quod es falso, sed semper quam abstractione pro totalitate de projectes, propositiones. Ergo me propaga in diverso locos illo ex omne systemas cognito per me, ad que me vide inclinatione. Sed propaganda sociale in Hungaria fere non es possibile, quam me demonstra in meo articulo. Pro pote saltem inter eruditos fac propaganda, homo debe habe collaboratione et adjuvatione intersystemale. Si illo es possibile, me i funda Officie interlinguistico in Budapest, pro propaga idea de interlinguisma, et singulo systemas, si possibile. Si Vos es consensu cum isto projecto, mitte ad me materiale de propaganda. Me preca Vos, mutua ad me Vocabulario commune pro cca uno mense, nam illo es grave pro meo labore.

Nunc ultimo questione: Vos certe sci, an Dom. Alberto Lip-tay etiam vive. Me preca Vos, communica me isto.

Usque nunc me vide solum uno persone, qui probabile fi Laf-ista. Illo es Dom. János Honti, ad qui me jam ante menses da adresse de Dom. Caneel. I es bono, si nos pote concilia ad nos isto eccellente folklorista, qui habe bono societate de auctoritates in suo scientia. Me i proba, ut me pote fac illo socio.

Salutationes cordiale de

*János Honti*